



KOLEGJI - COLLEGE
BIZNESI
Prishtinë



Memorandum i bashkëpunimit
në mes të
Kolegji "BIZNESI" Prishtinë
dhe
Aleanca Kosovare e Bizneseve-AKB

Me qëllim të ngritjes së nivelit të bashkëpunimit në mes të Kolegjit BIZNESI Prishtinë, dhe Aleanca Kosovare e Bizneseve, me pikësynim përkrahjen e ngritjes së nivelit edukativ dhe profesional të të rinjve kosovarë, si dhe krijimin e një ambienti më të volitshëm ekonomik dhe për të konkurruar në projekte të ndryshme të përbashkëta të përkrahura nga AER-i, USAID-i, Banka Botërore, Institucione të tjera kombëtare dhe ndërkombëtare, Institucione dhe shoqata profitabile dhe joprofitabile, Kolegji BIZNESI Prishtinë dhe Aleanca Kosovare e Bizneseve, lidhin këtë memorandum të mirëkuptimit dhe pajtohen të zhvillojnë bashkëpunim në këtë lëmi.

I. Natyra e bashkëpunimit

Qëllimi

1. Kolegji BIZNESI Prishtinë (në tekstin e mëtejshëm BIZNESI) dhe Aleanca Kosovare e Bizneseve (në tekstin e mëtejshëm AKB), pajtohen që për interesa të përbashkëta të asistojnë, promovojnë, përkrahin dhe të ngritin nivelin e bashkëpunimit reciprok, në funksion të zhvillimit të përgjithshëm edukativ, social dhe ekonomik.
2. Kolegji BIZNESI Prishtinë dhe Aleanca Kosovare e Bizneseve, së bashku do të kontribuojnë në drejtim të zhvillimit, përkrahjes dhe promovimit të sektorit edukativ dhe profesional, ofrimit të shërbimeve për këtë subjekt edukativ, gjenerimin e punësimit dhe zvogëlimin e papunësisë. Në këtë aspekt Kolegji BIZNESI do t'iu ofrojë ndihmë anëtarëve të AKB-ës me shërbimet e veta.





KOLEGJI - COLLEGE
BIZNESI
Prishtinë



3. Kolegji BIZNESI dhe AKB pajtohen që në përgatitjen e propozimeve dhe realizimin e projekteve të përbashkëta, që kanë të bëjnë me përmirësimin e ambientit ekonomik dhe social në Kosovë, hartimin e analizave makroekonomike, në mënyrë të rregullt të paraqesin ofertën e përbashkët dhe të këmbëjnë informatat e domosdoshme për implementimin e projekteve.
4. Kolegji BIZNESI dhe AKB si partner të përbashkët mund të hyjnë veç e veç në raporte kontraktuese me partner të tjerë dhe mund të mbështesin anëtarët dhe klientët e partnerëve si dhe projektet e tyre me qëllim të krijimit të një partneriteti të frytshëm dhe kooperues në mes tyre.

II. Emërtimi i shërbimeve

1. Kolegji BIZNESI dhe AKB pajtohen që për nevojat e tyre të shkëmbejnë ekspertët dhe përvojat e tyre në fushat e caktuara ekonomike si dhe që studentët e lëmive ekonomike pranë këtij Kolegji të kryejnë praktikën në AKB. Gjithashtu AKB do të mundësojë – angazhojë praktikën e studentëve në kompani me biznes internacional si dhe studentët e Kolegjit BIZNESI janë të gatshëm të inkuadrohen në Panaire që i organizon ose është pjesëmarrëse AKB.
2. Kolegji BIZNESI dhe AKB së bashku do të kontribuojnë në drejtim të krijimit të partneritetit dhe integritimit evropian të komunitetit kosovar në raportet ndërkombëtare.
3. Kolegji BIZNESI dhe AKB si ofrues të përbashkët të këtyre shërbimeve dhe nxitës për një ambient më të mirë ekonomik, pajtohen se do t'iu ofrojnë partneritet institucioneve qeveritare vendore dhe ndërkombëtare në avancimin dhe ngritjen e standardeve drejt integritimit ekonomik të vendit me Bashkimin Evropian.

III. Detyrat dhe përgjegjësitë

1. Ky memorandum i mirëkuptimit hyn në fuqi ditën e nënshkrimit të tij dhe do të ketë afat të pakufizuar, përderisa njëra palë me shkrim nuk e njofton palën tjetër 6 (gjashtë) muaj më parë, për ndryshimet eventuale.
2. Ky Memorandum i Mirëkuptimit nënshkruhet në gjuhën shqipe dhe për secilën palë përgatitet nga një kopje origjinale.
3. Për çdo vit akademik, AKB do të përcaktojë numrin e studentëve që do të aftësohen nëpërmjet punës praktike.
4. Kolegji BIZNESI do t'i dorëzojë për çdo vit akademik partnerit listën me emrat e studentëve të përzgjedhur dhe të paraparë për aftësimin praktik në AKB.





KOLEGJI - COLLEGE
BIZNESI
Prishtinë



5. Praktika e studentëve të Kolegjit BIZNESI në AKB, do të zgjasë prej dy javë deri në një muaj. Kohëzgjatjen e praktikës, partnerët e caktojnë me marrëveshje gojore dhe nga rasti në rast.

IV. Komunikimi/Avokimi dhe Marketingu Strategjik

1. Kolegji BIZNESI dhe AKB do të punojnë bashkërisht për promovimin e nismave të përbashkëta, për thellimin e marrëdhënieve me publikun, për krijimin e mundësive për paraqitjet e përbashkëta në publik dhe për promovimin e ndërsjellë të iniciativave.
2. Të dy entitetet juridike, Kolegji BIZNESI dhe AKB, obligohen që në paraqitjet e tyre publike, sa here që diskutojnë iniciativat e përbashkëta, si këto të kryerjes së praktikës të studentëve, të aftësimit dhe punësimit të tyre, do t'i referohen punës së përbashkët dhe partnerit, pavarësisht nëse është apo nuk është i pranishëm ai.
3. Kolegji BIZNESI dhe AKB obligohen që me rastin e fillimit por edhe të përfundimit të nismave, si punësimit dhe aftësimit nëpërmjet punës praktike të studentëve, të zhvillojnë materialet e përbashkëta promovuese, siç janë komunikatat për shtyp, konferencat, e të ngjashme. Komunikatat e përbashkëta do të përmbajnë logot e të dyjave palëve nënshkruese të marrëveshjes, të Kolegji BIZNESI dhe AKB. Përmbajtjet e publikimeve promovuese do të publikohen në web faqet e të dy entiteve.

Kolegji BIZNESI

Prof. Dr. Shyqeri Kabashi,
Dekani



Aleanca Kosovare e Bizneseve

Dr. Agim Shahini,
Kryetar i AKB

